

中國方志叢書·東北地方·第二八號

據

民國·孫蓉圖修，徐希廉纂  
民國九年鉛印本

影印

黑龍江省

# 瑗瑋縣志



成文出版社有限公司印行

109/4675



\*10094074\*

黑龍江省  
瑷琿縣志

樂壽孫蓉圖謹識

瓊瑋縣志序

民國九年十二月瓊瑋縣知事孫君鏡忱以其縣志初成問序於余  
余維志之不修久矣長民者慎供厥職劬其力於簿書期會往往不  
暇以爲爲之而有成勿論其書之精麤純駁亶斬備一方之俗與事  
無俾散佚後之人得有所考鑒於斯斯亦可謂良有司矣在昔周官  
土訓誦訓職掌燦然有一地而不知其地之事與物與求不知其方  
志方慝之爲奚若烏可以施爲乎士夫守禮家世譜牒猶有存者况  
其在有國乎近頃以來國家日下文令徵求各方志乘良有以也黑  
龍江地處窮邊文獻之闕肇自古昔採輯之難不獨瓊瑋一邑故文  
令迭下而應者絕鮮本省設局輯修通志亦以各縣志乘无無所據

閱歲時而木蕝事余方病焉一旦睹此喜可知也雖其體例文辭未能盡善然備一方之俗與事使後之人有所考鑒行知其地之事與物與求而熟察乎方志方慝之詳以施於爲政其爲功又非第應志乘之徵求已也鏡忱可謂知本矣黑山孫烈臣


瓊瑋縣志序

爲政者必考其政之所施博而約之繁而簡之悉其要領得其指歸然後從事不勞而理若網在綱有條而不紊並垂範於後人如良工然閉門而造車出門而合轍蓋有所持者在也不然以地方而寄之一人以一人而叢之萬事茫茫然於地方之禮教風俗山川之勢物土之宜與沿革乘除演進毫未留於其衷而且矇目無睹則其治蓋可知矣此吏治之所以日窳而得爲政之本者之難也歲乙卯鏡忱來宰瓊邑晉謁於余惴惴無華望而知爲儒吏甚有以期望之俾光於斯土惟余來去頻繁丁巳復蒞斯道適有督勵各縣編纂邑乘之命鏡忱欣然從事並詢概要於余而以典籍闕如文獻無徵爲憾

余維志者誌也古之方域地理博物志曰考曰紀皆言紀其實也此物此志信而可徵傳之彌久後之賢者因是而推闡光大之則可矣鏡忱謹余言因集其邑之賢士君子老成名宿博徵詳稽勤勛勵以期於成而余旋去庚申復來而稿適脫持書求正余覽而嘉之邊荒之閔寂人民之屯僮金石之晦沉竟能提要鉤元創而成之於地方風俗山川道里民族物產釐然可考以爲一方之典籍國史之嚆矢俾後之人知考方志方慝之別以求爲政之要豈非此志之所貽與誠哉

軍長之言曰雖具體例文辭未能盡善然備一方之俗與事使後之人有所考鑑以施於爲政扼要之論也數語盡之矣余又何敢贅言

惟序其志之沿起及余來去之迹而竟得以余觀成豈偶然哉本此而探爲政之要舉而措之裕如矣後之賢者鑒於創斯志者之難因是而擴充纂輯之以緝邊域之光斯又所厚望也是爲序京兆張壽增





瑗瑋縣志沿起啓

志乘爲地方要籍凡觀一郡邑之政治風俗戶口之繁簡財賦之盈虧物產之豐蓄人民之文野皆於典籍是賴而得其從政之由瑗瑋居我國東北極邊逼近強俄清初已視爲重地則凡關於斯土之地理形勢政治上一切布置皆當詳細記載按籍可得以考政治之沿革借鏡之源流乃有清一代賢達輩出豐功偉烈不可指數要皆從事於戎行武功彪炳未暇致志於典籍而草萊未闢象著屯蒙文教罔寂關於地方紀載更絕無私家著述近數十年以迄民國紀元文化洊晉明哲賢俊相繼輩出羣知以典籍爲重而文獻無徵引爲國

憾民國四年 奉

命來蒞茲土臨履山川周視原野巡察戶丁鈎稽物產而知邊地之  
政治設施與治內地迥異更兼全縣地域以江爲界處處鄰俄交涉  
繁多歷隨諸

道憲之後得觀處理外交審機觀變提要鉤元方能內不失己外不  
失人臻於妥協欲將歷年所得筆之於書藉以自勵爲仕學並進之  
資適奉

省署有編纂縣志之命竊念瓊邑縣志一無憑藉從事編纂爲  
倍難而倍要爰於六年召集邑紳現任協領徐述之及周輔臣諸君  
商議斯舉一以委之以觀厥成諸公以地方要務欣然引以爲任惟  
以方策未布採集實艱兵燹之餘故老流徙尤以廷訪爲難且諸公

抑然之度堅請恭 操筆爲刪削之役一行作吏學殖久疏何能與  
於潤色之業惟懷

上之命而且以瓊之必當創是志也爰與諸公協而成之捫槃扣聲  
知多未當敬懇

上之誨示頒賜訓言冠諸篇首並博雅君子教而正之俾是編得爲  
邊隅之一政書地方之幸亦恭 之幸也瓊 瑋 詳 知 事 孫 蓉 圖 啓

中華民國九年四月誌於瓊瑋官廨

理  
理  
果  
元  
身

資  
好  
學  
知  
知  
PDG

璦琿縣志跋

璦琿地處極邊與俄爲隣山嶺重疊幅幘延袤憑高眺遠襟江帶河實一險要之區惟人民樸素戶籍散佚從無志乘可稽實吾璦政治文化外交上一大缺點爲吾紳民所遺憾民國四年縣長孫鏡忱公來蒞茲土下車伊始以經國大計首在邊疆璦琿爲江省東北門戶外接強隣內撫曠野庚子兵燹元氣未復雖鼎革以來規模粗具而人民散處土客紛曉礦產林務事最繁劇文學未著化民強國之基尤關重要公運之以精思持之以毅力締造經營首先擴充學校整頓警團薄徵節用招墾勸農禁植嬰粟未及期年已著大效復以地方政要首在圖籍志乘闕如實爲大憾爰召廉等而屬以縣志之役

聞公緒論指示要歸實愜夙心惟以學術謏陋多年從戎並經理鄂民事業習與樸野學殖荒落操筆典志知所難勝惟關地方要譽且幸得我孫公典雅文宗熱心提倡提綱挈領闡著精微廉等又何敢辭爰檢各屬文牘廣詢士紳以及老農騶卒擬輯地理政務財賦交通外交祠祀學務武事人物禮俗物產藝文庫事各類撰爲概略歷呈我公裁閱二載而書成雖拙陋無文而其關係地方者則甚鉅曷古無冊籍而以此爲礪矢廉得附於簡末皆公之賜也固圍實邊驅進文化後之人考而求之公之志與事俱於此書見之矣是爲誌謹跋徐希廉

例言

黑龍江五城環瑋實居其一而創設自康熙朝官書如大清一統志滿洲源流考諸書紀瑋瑋事特略且瑋瑋旗署舊檔自遭庚子之役隻字無存雖在庚子之先曾有報省之案屢往調取而未應致無考鏡

黑龍江向無省府縣志其黑龍江外紀卜魁紀略諸書皆略而不詳所以此書得之父老傳說者十之四五得之實地調查者十之二三得之於舊記並討論者十之一二

郡縣志古事今事應並重此書詳略不倫而偏重於人民財賦教育兵事實業外交貢其一得之愚俾爲經世之助

山川主名俱從今稱舊記名稱亦備錄之俾得各史互相印證山嶺高度水源里數則皆約略估計也

瑗瑋城官兵自前清征調以來無役不從且陣亡入祠者頗多茲以省卷難求而本署案牘闕如湮沒忠義未知凡幾討論調查者爲陳紳靜山岑紳朗山周紳輔宸諸君故瑗瑋事蹟略得梗概

此書編輯始於民國七年秋迄至八年脫稿文獻無徵簡編莫考雖未二年而告成然皆從簡就略紀其事實

蓉圖茲蒞斯土官以知事應盡知方之責任以補瑗縣圖籍之未備惟典籍無存學殖又苦荒落書成編爲十四卷叙述凌雜鄙漏不文大雅君子幸匡正之



瓊瑋縣志卷一

地理志

一 疆域

二 山嶽

三 河川

四 城池鄉屯

五 氣候

六 古蹟

瓊瑋縣志卷一

勘誤表

正	誤	數字	數行	數頁	數卷
枚	析	三十二	六十	二	一